

繼升陽師叔了馨吟讀

鍾呂海蟾為宗祖繫玉鍾子動金鼓撞透中間一點明跳出靈童當西舞我信喬不是喬喬話其中隱不喬真正言無詭語絕盡塵埃機與慮提離男翠坎女將領黃婆遊淨土住與行坐與睡或披襖或紙被靜靜清清常恁地半如癡半似俏癡俏中間還自曉這般消息少人知一味清虛寂寞宜喜是冥冥是喜顛倒元來我是你千魔萬鍊見元初了了了心方到底

示門人語錄

凡人輪迴生死不停只為有心得山云心生則種種法生心滅則種種法滅若一念不生則脫生死何為有心蓋緣衆生有貪嗔癡三毒孽無明心師父云跳出三山口是也悟人所以修行割情拚愛摧強挫銳降伏除滅衆生不善心要見本來父母未生時真性本來面目是也何為不善心一切境上起無明心怪貪嫉妬財色心種種計較意念生滅不停被此孽障舊來熟境朦昧真源不得解脫要

除滅盡即見自性如何名見自性十二時中念念清靜不被一切虛幻舊愛境界朦昧真源常處如虛空逍遙自在自然神氣交媾沖和修行如了此一事更有何生死可怖更有何罪孽可懼如稍生一念不為清淨即是罣碍不名自在如何到得只要諸公一志如山不動不搖向前去達大魔盡此一身永無迴顧前期必了晉真人云心清意淨天堂之路心荒意亂地獄之門

水雲集卷上

水雲集卷中

崑崙山長真子撰 吳瑞述

友八

醉江月

吾門三祖是鍾呂海蟾相傳玄奧師父重陽傳妙語提挈同起三島慢慢搜真靈根固養漸吐黃芽草無中還有慧風時送嘉耗一點瑩徹無窮週遊沙界物物圓明好種種皆空歸本有內外般般顛倒此理幽深清虛縹緲行者人須到昏昏默默暗中賢聖知道

又

自然之道稟根元真正精神圓聚一點靈光無內外明徹輝通玄戶寂淡偏宜貧悶最好物外逍遙處長長不昧湛然神室常住無論妙與難窮須憑慷慨認把元陽固搜取天真勤鍛鍊觸處般般迴顧火裏蓮生山頭焰滅端的緣相遇風仙重會共遊三島雲路

又

一靈真性又因何緣入凡胎塵域迤染浮華貪愛戀展轉昏迷真跡曠劫難逃如今又錯罪孽重重積本來模樣怎生分解尋覓須

屏視聽雙泯捨情雲木物外彼玄理寂寞孤
清趣妙有豈顏形軀瘦役捉住風塵玲瓏輝
煥然點煮金液神丹昭著死生煩惱寧息

又

玉花漸吐放清風催結金蓮光聚歷劫昏迷
齋醮破直透無爲門戶七返迴光三空覺照
開闢金花處殷勤鍛鍊自然嬰姪常住 些
子端的幽竒自從下手永基堅固蓮結瓊
芳靈蕙長深感慈悲頻顧鼎內雲收爐中丹
結九轉終重過參師雲步會遊蓬島仙路

詠竹

愛君嘉秀對雲菴親植琅玕叢綠結翠筠稍
津潤膩葉竿竿柔綠漸胤兒孫蓬生過母
根出蟠蛟曲瀟瀟風夜月明光透節玉 雅
稱野客幽懷閑窓相伴自有清風足終不凋
零材異衆豈似尋常花木傲雪欺霜虛心直
節妙理皆非俗天然孤淡日增物外清福

上元夜觀月

上元佳節正一輪西步天渠飛躍素魄當空
澄湛湛獨現寒光無着皓彩乾坤無私遍照

萬古無瑕膜渾如寶鑑瑩然懸向寒廓 姑
射絳闕瓊樓群仙赴會雲墜停鸞瑞氣祥
煙籠寶殿金碧霞輝交錯爛醉蟠桃彩雲歸
去殊快飄香絡嵩山遠對爛銀盤裏期約

題酒

杜康得妙釀三光真秀清澄醇耐太白仙才
乘興飲一斗佳篇百首倒載山翁裏陽童稚
笑唱齊拍手陶潛籬下醉眠門外五柳 東
里生死俱忘待賓裁髮陶母歎賢友文舉無
憂樽滿酌香醕頻開笑口喜遇老年醉鄉豐
樂古所希聞有玉壺春色綠延益筭眉壽

神光燦

譚哥昔日瞻養家緣積孽有若山丘因遇仙
師東歷海島三州勸誘頑愚向善悟輪迴捨
愛迴頭隨緣過守清貧柔弱雲水閑遊 因
過懷州仙府後開行賞賚時過深秋逸入嚴
冬寒冷得避無由不免化此紙布望諸公念
愜同流如省悟結雲朋霞友物外同修

又

長真稽首遍覆諸賢修行只要心堅戰戰兢

兢日上帝恐生愁淡素清貧柔弱未安寧休
做詞篇真功行在推強挫我寂寞忘言 無
則巡門乞化對人前休勝後雅風顛藏伏光
輝默默銀鍊丹田千朝功夫做就這些兒暗
裏相傳功行滿跨祥雲歸去朝元

當初學道進入玄門道遙物外優游占住菴
兒日夜不免尋求殺勤來來往往惹塵勞怎
悟真修這蹤跡看何時功滿符赴瀛洲 曾
地廓然猛省勘元初一點有甚閑愁落魄焚
航雲水悠訪仙儔有似開籠復鷄又還如解
鎖猿猴我去也把般般打破便休

奔名逐利愛慾牽纏昏昏轉轉迷家虛幻浮
華不覺暗易顏童百歲雲間電閃限臨頭那
肯從容不肯悟到如斯悔懊箇箇運同 速
悟前途險路早迴頭步步却入仙家袍布青
巾結交霞友雲朋休外他搜索妙認靈源蓮
結丹紅趣真處觀山頭明月清風
茫茫苦海逐浪隨波便宜識取抽頭恩愛妻
兒都是宿世冤讎因循浮華光景把元陽拋
撇無休限到也看賢家着甚計脫冥幽 不

悟如斯噫嘖機關日夜計較貪求頃刻輪
迴千生萬劫沈流猛捨投玄入妙免三塗六
道經遊早下手與風人物外結取朋儔

茫茫苦海遂浪飄淪癡如蜂雲蟻燈一向迷
迷妻妾兒女恩情遭他恁般繫絆限臨頭獨

赴泉冥如省悟棄浮華恩愛處靜修行
細塵情疎滅漸棲心養氣隱跡埋名淡飯蔬

衣默默保鍊靈明迤而真人現也向無中金
玉成形大丹熟這一靈真性永永存存

贈穆先生

修行門戶叙次通知先須屏子休妻猛捨塵

情寂寞瀟灑相宜無則街前展手禦寒時紙
布為衣隨緣過守清貧柔弱火滅心低

日用擒猿縛馬處無為清淨暗契真師境滅心
忘神凝氣結靈芝得得逍遙自在任詩詞勸

誘愚迷功行滿指蓬瀛路穩跨朵雲歸

贈趙先生

趙仙入道猛烈投玄割除頓悟浮華對境修
持不若火長蓮花子今誠言少付過戈矛寬
納教他若有病便養中知死也莫還家常

傲如斯堅志管聖賢暗裏陰釐無差火滅煙
消靈腑自吐黃芽無私性停命住意心清王
結丹砂功行滿赴蓬萊鶴引彩仗雲霞

贈張九郎

天堂地府善惡由心死生迷悟爭先悟捨家

緣忘心展手街前淡素清貧柔弱任雲水遊
歷飄然持堅志守天長地久永水綿綿

舊孽如將消盡定聖賢玄妙暗裏相傳意淨心
清自是寶結丹田若有分毫故犯返招殃罪

孽難言如了了赴蓬萊三島做箇神仙

寄長安馮師兄

勸人行善自做修行兩般於道相宜須避俗
中鄉土且要相違妙藥沈痾救護更不擇貴

賤高低自然理佛龍西師父戒行行持修
鍊須憑猛志似大川山嶽安穩無移外行周

圓他日得處無為雲水逍遙自在氣神和功
行雙齊大丹熟指蓬瀛穩跨朵雲歸

寄長生劉師兄

處地稽首上覆劉仙一別修忽三年每過臨
風對月思渴高賢忽爾遠承教字方就審法

候安然第且喜無勞齒錄存念綿綿自愧
塵緣未斷在磁洛兩郡且德隨緣不果來期
希恕老拙無愆首春即當拜觀履高秋願素
不宣處端望師兄通妙几前

滿庭芳

欺昧成家慳貪積富靜言獨坐思量養他數
口罪孽自家當催促光陰似箭纔青鬢容改

衰蒼百年裏誰人盡數兀兀謾羅張身強
聞早悟知愆悔過速改行藏向閑中細細增

福消殃更有高明大志拋鞭鍊物外飄飄修

行好遊山翫水日用養心香

煙歛雲收蟾孤秋靜湛然獨顯希夷常從坦
蕩默默飲刀圭寶鼎祥煙橫聚氣神會結就

靈芝閑遊好飄飄雲水物外訪相知隨時
緣分過飢來覓飯逐處投棲任忙忙烏兔物

換星移且恁塵中閱散功成後別有師期將
歸去一輪明月獨步赴瑤池

咄這慈牛頑狂性劣侵未逐稼穡鼻繩牢

把緊緊力須收舊習無明常亂加鞭打始悟
迴頭忘思處孤峯困卧默默萬緣休漸擊

前步穩芒兒閑散心意何留趨雲山自在具
樂譚福養笠閣堆古岸短笛弄新韻悠悠黃
昏後人牛歸去唯見月當秋

莫覓東西休搜南北玄真只在身中萬緣齊
斷神氣始和沖抵要君心慷慨慧刀舉劈破
昏蒙還知否般般撒手性命可圓容 真空
離色相開闢閑裏慢慢休恁慧慧布素物
外飄蓬飢則巡門覓飯飽來後明月清風道
遠處哩唳囉唳落魄恁西東

贈濟州王三校尉

蛾戀燈光蜂貪花蜜問君終久如何欲成修
鍊須出黑風波慧劍鋒緣割斷離鄉土趕却
娘哥煙霞客水雲步穩隨分養天和 消磨
除舊孽婪觥布素信任磨拖興詩詞吟詠舌
誕唇歌古往今來達士自家與無少無多神
仙話休論蓬島似是上高坡

贈福昌縣趙殿斌

儒業尊高文章顯貴算來世路險者苦心勞
志求望步雲霞假使登科舉桂黃根夢空悟
空嗟無常到相如老杜著甚理逃趨 浮華

須勤破塵緣擺脫物外生涯起開闢雲水保
鍊根芽得得心清意淨三光秀凝結丹砂功
成也三清舉過超上大羅家

水龍吟

欲借無上菩提便合下手須頭段莫令帶水
拖泥土粘結些兒紫絳生死明來也全無在
自家決斷把凡胎濁骨煙霞路上輕輕漸都
抽換 步步清涼彼岸趣開闢忘機休弄煙
消火滅冰凝玉結長生侶伴自得真空妙玄
因作無人我觀待丹成九轉重陽再會遊蓬
萊館

又

本初一點來時幸然體態薄和好運生增愛
緣塵蒙昧無窮真寶箇箇人迷到如斯盡逐
情生老把仙胎容易浮沈苦海隨波浪成虛
耗 速悟輪迴返照把塵心須當顛倒煙消
火滅冰凝玉結長生芝草然然志論討常堅
守自家爐竈向三千功裏殷勤鍛鍊定將來
了
世傳緣有三山內藏羽化仙芝草秦皇信此

使令徐福東遊蓬島雲水風濤浩浩男女舟
中成老望仙源縹緲煙波杳杳肝腸斷何時
到 堪嗟人迷顛倒投區區空生煩惱不知
自起妄塵遮礙先天真寶頭悟家緣守清
淨無為功了得心清意靜性圓丹結餌仙芝
草

瑞雲捧出三峯上真下化宸遊地祥雲深鎖
瓊樓寶殿琳宮幽邃萬頃嵐光裏依稀降玉
泉蓮水望仙人掌上學學初月常晶瑩無瑕
翳 碧嶂層層蒼翠亂峯巖嶽叫鶴喚我來
感歎塵中纏絆恩情名利滾滾甘隨逝放流
轉幾人攀躋現停停雲漢安然不動作陰陽
隨

如夢令

鏡裏收來守拙不遇知音難說古鑑要手磨
點處便交光徹歡悅歡悅衷出一輪明月
又
竹笠竹冠竹枕與我日常為伴坐卧去來空
便是清涼彼岸風漢風漢日月輪催不管
又

只把靈臺頻掃惜取自家真實火裏長蓮花
便是修行玄與顛倒顛倒境滅心了

又
一片靈空為伴因把愁情割斷日上鍊虛無
常住神堂古觀風漢風漢此外別無手段

又
隨分養營皮袋坐卧去來明快境上樂閑遊
些子無生里得忍耐忍耐占得逍遙自在

又
物外遊遊落魄步步清涼雲脚閑裏弄虛空
別有蓬萊期約這看這看細細人情除削

又
大道無名無說休德護生分別火滅與煙消
便是良辰佳節宜拙宜拙認取春花秋月

又
大道根元歸素絕盡人情思慮火滅與煙消
認取元陽收固此做此做便是長生捷路

又
因遇重陽師父引入全真門戶惹火鍊靈空
不敢胡行一步一步一步一步近如一步

又
清靜無為做徹高下休生分別滅盡我人心
自有真師提挈提挈雲綻家家明月

又
日用除塵垢擒縛馬猿不走展手向街前
守一不食穢食穢食構得功成行就

又
不染俗情非是不慢下貧趨貴不敢受人飲
自在逍遙雲水雲水守一無為徹底

又
休訝弟兄不喘只要人情疎遠不敢受人飲
不喜輕肥杯盞舒展舒展銀錄丹砂九轉

又
落魄無拘野叟自在逍遙閑走他日返家山
重會雲朋霞友知友知友共飲蟠桃仙酒

又
日用靈光內鎖保護真心不破金玉得凝澄
生死無由近我功果功果歸去獨剪雲朵

又
寄濟州道友王四郎
傳語濟州道友休戀隨情花柳最好逐諱風

保護形軀不朽不朽共飲長生仙酒

贈王三校尉宅三姑姑

欲做俗中修鍊先滅我人分辯柔弱守清貧
堅志始終無變真善真善損已利他方便

贈修武賈信實

入道先生姓賈日用持心低下要見本來真
閑裏擒猿捉馬擒要擒要須功課風害症

贈張李二公道友

堪歎浮生不久盡迷氣財色酒如悟捨塵緣
共結雲朋霞友知友知友保護身軀不朽

贈閩鄉縣酒賈

深愛賈公吉善水雲遊歷玄使他日處無為
得得虎龍交戰交戰交戰丹結永除千變

述懷

一點靈光不昧出入往來無礙處處現圓明
物物頭頭應解寧耐寧耐萬禍不能侵害

西江月

役我盡因心意滌除般若去機不勞南北與
東西方寸些兒便是 寶鑑塵埃蒙昧須從
磨鍊輝輝光明一點照無為直入蓬萊幽邃

又
學道休於外覓靈苗出中心田鐵牛耕透見
根元全在殷勤鍛鍊 認證元初面目端身
勿使邪偏六鈞弓硬拽來圓箭箭紅心有驗

又
頓悟輪迴入道時中鍛鍊綿綿存存損損恁
專專要免將來流轉 火滅蓮開五葉煙消
玉結三田欲超無上離人天了取空虛古殿

又
欲入全真門戶行住坐卧寂寂存心乞化度
中朝塵事般般屏了 莫論黃芽白雪休搜
龍虎嬰嬌色財無掛火煙消便是蓬萊三島

又
堪歎光陰迅速日思慮憂愁愁甘作遊
波流迷戀氣射色酒 日月暗催人老利名
不使心休爭如放下觀山頭明月家家盡有

又
寒後添些紙布飢來展手巡街殘羹冷飯且
充齋柔弱清貧遠害 萬禍皆因心起無心
無禍無災自從心定守真胎雲水逍遙自在

又
寒後添些紙布飢來乞覓殘餘野情喜不擇
麤疎且要遮形植肚 自歎愚家過甚徒勞
設藥防拘從今放下樂清虛做箇憨憨暮故

又
作伴修行未是飄飄物外行持孤雲野鶴任
東西何有些兒礙滯 淡飯尋他兩頓清清
淨淨無為寂寥瀟灑最相宜別有一般滋味
行香子

又
得得無修無感無求放心間無喜無憂逍遙
自在雲水間遊趣空中玄玄中妙妙中幽
落魄婪耽垢面蓬頭恣陶真樂歌謳隨緣
一飽真箇風流這般來無無來有有來由

又
朝也防心暮也防心恐心生熱景來侵多能
術藝書畫蒸琴更不生貪不着愛步瑤岑
善也由心惡也由心善心閑惡意狂尋心生
虛度日月光陰便如雲行如水去訪知音

雲霧歛
匿光輝認愚罔兀兀騰騰閑裏尋閑步垢面

蓬頭衣纏縷乞食忘慚方稱煙霞侶 絕驕
矜趣真素不受人欵不擇箇卑處認正丹陽
師父語了了惺惺功滿歸蓬路
做修持休輕侮認取雲中細細清清雨淨淨
冷冷靈芽吐心外尋求謾了虛辛苦 坐與

行卧與住閑裏閑搜閑暇道遙做結就金花
開玉戶一道光明直射無為路
告行人聽少訴着假求真也好迴頭顧勘驗
行藏休慕故不合虛無怎得蓬瀛住 認元
初歸壘素勤拭靈臺勿使塵埃汚心上貪瞋
癡盡去暗裏功成有箇真師度

臨江仙
得得全真真妙理無為無作無修自然清淨
行功周祥雲圍絳闕瑞氣繞瓊樓 心似閑
雲無罣碍身同古渡橫舟真空空界可相酬
白牛眠露地明月照山頭

虛幻浮花休苦戀南辰北斗頻移暗更綠鬢
盡成絲百年渾似夢七十古來稀 奉勸人
人須省悟輪迴限到誰知修行早不宜遲
從前冤孽罪要免速修持

從前冤孽罪要免速修持

稽首吾門諸道友降心向外休尋等閑容易
費光陰修行何是若不了我人心 滅取無
明三孽火勿令境上相侵本來一點没昇沈
具閑如得得步步上高峯

連理枝

浮世愚癡輩一向貪名利愛海恩山拘繫鎮
迷酒色財氣華榮華富貴電中光好迴心改
悔 早早尋出離默默搜玄秘寂淡貧閑隨
緣度日道人活計守無為清淨行功周赴瑤
池宴會

贈京兆府安王解元

太原公疾苦聽予告切聖賢待把伊提掣好
休歇算人生七十古來云少看看到也做箇
放下决烈 割攀搜趣閑歸營素安恬養
拙認靈源鍊磨明徹從前孽向三千功裏徐
徐消滅青山綠水五人共賞風月

贈獲嘉王法師

譚風偏喜王三父夙世良緣休更推延更惡
兒嫌出世鄺 修行外用無為作囚馬擒猿
不返家園定做逍遙物外仙

暮山溪

修行鍛鍊休覓嬰和姪認取本元初起塵埃
須除莫惹常生正覺宜向觸來看絕人情去
浮囂俗事般般捨 長行坦蕩開裏調和假
空裏做真修恁清清冷冷脫灑日中靜損真

正合虛無樂道遙趣閑閑步步無生也

鄺中碌碌虛幻名和利休恁苦勞心鎮區區
傷神損氣迴頭是老悟即便抽身掉榮華絕
財色樂道超浮世 恩情愛戀鼎內如魚戲
休論早修持甚一日推他一日風人低勸微
語破迷癡早下手速為之做箇前程計

青玉案

師真引入修行路默默無言句慢慢持修歸
負素般般返照盡成空馬兒悟證內外無塵
慮 眞清眞淨投眞處細細搜尋妙玄趣勘
破浮華清虛做降魔劍斷孽緣休馬兒度步
步入長生戶

阮郎歸

陰陽初會一聲雷靈芽吐細微玉人製造得
玄機烹時雪浪飛 明道眼醒昏迷苦中甘

最奇些兒真味你還知煙霞獨步歸
閑閑雲水任東西靈空一片隨昏昏默默往
來飛前程事已知 眞大道出塵機般般種
種離重陽許我白牛兒而今便是誰

卜算子

四大因緣做苦海憑船渡一棹清風到岸頭
得上無生路 人歎風貧苦我步閑閑趣脫
體全空沒一文勝似石崇富
自入玄門戶寂淡清虛做靜裏披搜四假身
勘破塵行路 悟上還重悟得得眞閑趣收
住身中無價眞豈逐人情去
風漢閑中做彼岸神舟渡萬里晴空無片雲
月照曹溪路 割斷冤情苦默默明玄趣一
任傍人笑我貧肚裏非常富
水雲集卷中